

KJKP "RAD" d.o.o. SARAJEVO
-v.d. Direktor-

Broj: 05-03-04-_____/21
Sarajevo, 22.02.2021. godine

Na osnovu člana 70. Zakona o javnim nabavkama BiH ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktor donosi:

O D L U K U
o poništenju postupka javne nabavke

I

Odluka o izboru najpovoljnijeg ponuđača za javnu nabavku rezervnih dijelova za specijalnu mašinu Multikar broj: 05-03-04-2304/21 od dana 10.02.2021. godine, stavlja se van snage.

II

Poništava se postupak javne nabavke rezervnih dijelova za specijalnu mašinu Multicar.

III

Odluka stupa na snagu danom donošenja.

O B R A Z L O Ž E N J E

KJKP "RAD" d.o.o. Sarajevo je dana 21.12.2021. godine na portalu javnih nabavki BiH objavio Obavještenje o nabavci broj: 83-1-1-581-3-189/20 kroz otvoreni postupak za izbor najpovoljnijeg ponuđača za javnu nabavku rezervnih dijelova za specijalnu mašinu Multicar, sa rokom dostave ponuda 11.01.2021. godine.

Po otvorenom postupku za javnu nabavku rezervnih dijelova za specijalnu mašinu Multicar pristigle su 2 (dvije) ponude i to ponude firmi:

- **Slt d.o.o. Zenica**
- **Inter Auto d.o.o. Sarajevo**

Komisija za javnu nabavku je u toku provođenja i nakon detaljnog pregleda dostavljene dokumentacije utvrdila sljedeće:

- Ponuđač **Slt d.o.o. Zenica** je dostavio svu potrebnu dokumentaciju i ponudio godišnju cijenu nabavke u iznosu od: **933.835,52 KM bez PDV-a.**

Naprijed navedena ponuda je ocijenjena kao **potpuna i prihvatljiva.**

- Ponuđač **Inter Auto d.o.o. Sarajevo** je dostavio svu potrebnu dokumentaciju i ponudio godišnju cijenu nabavke u iznosu od: **599.323,58 KM bez PDV-a.**

Naprijed navedena ponuda je ocijenjena kao **potpuna i prihvatljiva.**

Cijeneći činjenice koje je Komisija imala u vidu pri odabiru najpovoljnije ponude Komisija je utvrdila rang listu ponuda koje su ocijenjene kao potpune i prihvatljive prema kriteriju objavljenom u tenderskoj dokumentaciji.

Rang lista ponuđača:

- 1. Inter Auto d.o.o. Sarajevo**
Cijena (599.323,58 KM bez PDV-a)
- 2. SlT d.o.o. Zenica**
Cijena (933.835,52 KM bez PDV-a)

Obzirom da se radi o postupku javne nabavke sa kojim je predviđeno sklapanje Okvirnog sporazuma, a da je broj prihvatljivih ponuda dvije (2), cijeneći budžet ugovornog organa određen za nabavku predmeta javne nabavke od strane Komisije za javne nabavke utvrđeno je da je zadovoljena stvarna konkurencija, te je data preporuku Ugovornom organu da se provede e-aukcija dana 21.01.2021. godine, u skladu sa informacijama o procesu e-aukcije datim u tenderskoj dokumentaciji.

Ugovorni organ je dana 21.01.2021. godine zakazao E-aukciju za dan 25.01.2021. godine u 12:00 h. Nakon provedene e-aukcije utvrđena je konačna rang lista ponuđača, a u skladu sa Izvještajem o toku i završetku e-aukcije.

Konačna rang lista ponuđača:

- 1. SLT d.o.o Zenica**
Cijena (502.700,52 KM)
- 2. Inter Auto d.o.o. Sarajevo**
Cijena (503.431,81KM)

U skladu sa provedenom e-aukcijom Komisija je dala prijedlog odgovornom licu Ugovornog organa da se predmetna javna nabavka dodijeli ponuđaču SLT d.o.o Zenica, a koji je dostavio prihvatljivu ponudu. Odgovorno lice ugovornog organa je prihvatilo prijedlog Komisije za javne nabavke, te je Odluka o izboru najpovoljnijeg ponuđača za javnu nabavku rezervnih dijelova za specijalnu mašinu Multikar broj: 05-03-04-1499/21 od dana 27.01.2021. godine zajedno sa zapisnikom o ocjeni ponuda dostavljena napovoljnijem ponuđaču SLT d.o.o. Zenica dana 02.02.2021 godine, a koji je bio dužan dostaviti dokaze iz člana 45. Zakona o javnim nabavkama BIH u roku 5 (pet) dana. Ponuđač SLT d.o.o. Zenica je dana 03.02.2021. godine dostavio **nepotpune dokaze**. Naime ponuđač SLT d.o.o. Zenica nije dostavio **izvod iz kaznene evidencije suda prema sjedištu pravnog lica**, a što je bio dužan u skladu sa tačkom 12 (a) Tenderske dokumentacije, te je njegova ponuda ocijenjena kao **neprihvatljiva**.

Komisija za javne nabavke je u nastavku postupka dala prijedlog odgovornom licu Ugovornog organa da se predmetna javna nabavka dodijeli ponuđaču Inter Auto d.o.o Sarajevo, a koji je dostavio prihvatljivu ponudu. Odgovorno lice ugovornog organa je prihvatilo prijedlog Komisije za javne nabavke, te je Odluka o izboru najpovoljnijeg ponuđača za javnu nabavku rezervnih dijelova za specijalnu mašinu Multikar broj: 05-03-04-2304/21 od dana 10.02.2021. godine, zajedno sa zapisnikom o ocjeni ponuda dostavljena ponuđaču Inter Auto d.o.o. Sarajevo dana 13.02.2021. godine, a koji je bio dužan dostaviti dokaze iz člana 45. Zakona o javnim nabavkama BIH u roku 5 (pet) dana. Ponuđač Inter Auto d.o.o. Sarajevo je dana 17.02.2021. godine dostavio **nepotpune dokaze**. Naime ponuđač Inter Auto d.o.o. Sarajevo nije dostavio **izvod iz**

kaznene evidencije Suda BiH, a što je bio dužan u skladu sa tačkom 12 (a) Tenderske dokumentacije, te je njegova ponuda ocjenjena kao **neprihvatljiva**.

Obzirom da se radi o otvorenom postupku javne nabavke i da nije dostavljena **ni** **jedna prihvatljiva ponuda**, Komisija za javne nabavke daje prijedlog Ugovornom organu da u skladu sa članom 69. stavom 1. tačka (b) Zakona o javnim nabavkama BiH, postupak predmetne javne nabavke **poništi**.

Smatram da je Komisija pravilno postupila kada je uzela u obzir gore navedeno i kada je predložila poništenje postupka javne nabavke. Iz tih razloga prihvatam prijedlog Komisije i donosim odluku kao u dispozitivu.

Pouka o pravnom lijeku: Protiv ove Odluke može se uložiti žalba Ugovornom organu, odnosno KJKP "RAD" d.o.o. Sarajevo, u pisanoj formi u roku od 10 (deset) dana od dana prijema ove Odluke.

KJKP „RAD“ d.o.o. Sarajevo
v.d. Direktor

Mirsad Hošić, dipl.ing.maš.

DOSTAVITI:

- Ponuđačima;
- A/a;